

渾平縣志

第三冊

漳平縣志卷八

人物志

名宦

寓賢

理學

儒林

名臣

闕

循吏

忠節

孝友

義烈

文苑

隱逸

義行

附壽民鄉賓

節孝

貞烈

附壽婦

仙釋

康熙乙丑後百餘年潛德幽光已莫從得而闡發之矣雖賢大夫政教遺澤留於口碑者安在乎謹闕其所不可知自名宦寓賢以下增於舊者甚夥唯已經

旌表節孝悉無遺焉誰謂兩間純懿清淑之氣獨鍾於閩闔乎哉志人物

名宦

明

陳栗江西南昌人成化七年由舉人任時縣初立庶務叢雜民獷難治栗明敏廉慎撫民如子民樂爲用創縣治建學宮列街坊編均徭秩然就緒在任五年人漸化服後以內艱去

嘉靖志

徐鳳岐

字文明

浙江武義人正德八年由監生知漳平縣縣初無城明年

流寇壓境鳳岐躍馬提兵逐之寇遁去遂決計甃磚石爲城垣設四門樓民賴以安又於城南龍江造舟爲梁以濟其他治行咸卓然可觀

龍巖

州志續傳

施信浙江餘姚人嘉靖二年由舉人任其政蹟舊志失載崇禎元年始與劉鑄並列祀典陳公嘉議爲之記謂今郡大夫屬其後裔蓋卽甲申殉難施公邦耀也有後如此公其仁人也哉

舊志

劉鑄直隸宣城人嘉靖二十八年由選貢任蒞政清勤悉心愛民興舉庶務民不稱擾嘗奉檄清查威惠廟租幹理有條刊立惠民公田誌以

杜侵隱之弊在任九年始終如一致仕歸邑人爲立去思碑

舊志

魏文瑞廣西桂林人嘉靖四十一年由舉人任居官愛民歲旱禱雨憂形於色給粥賑饑全活甚衆時值流寇頻攻縣城卒賴保障後奉檄會剿賊首楊一蘇阿普等以援兵不至遇害訃聞士民爲之痛泣詔贈光祿寺少卿立勸忠祠賜春秋二祭蔭一子入監邑人亦爲豎碑以弔其忠憤

章述蘭谿人隆慶二年由舉人任其政蹟舊志散失惟庚午重建鼓樓自撰碑記具在於一斑窺全豹則其所以爲政者可知也

康熙志

朱召常熟人由監生授漳浦主簿有才守署漳平篆能得民心縣故未有志召乃公餘蒐訪編葺成書上漳州太守盧璧序之巡臺金雙渠稱

爲科目遺才佐貳巨擘

龍巖州志續傳

彭坂南昌人萬歷四十五年由舉人任其爲政緩征息訟剔弊省刑申

約講絕苞苴市買不貳價聽斷不徇私振拔寒士誅鋤豪強革牛判以清盜禁賴命以止刁勘水災以請命考最調上杭民立碑紀之

沈鼎蘇州人其司教一以興賢育才爲務待諸生如家人父子遷蜀教授副使王以通撰記以爲有周恕齋之方正而噓以潤澤有蔡修埜之介直而濟以從容有鄧草亭黃少壺之忠厚而出以博雅詳藝文志

徐來朝南直人立身端謹與人和厚士之貧者却其贄且周之屢爲人排難解紛而無取也遷鎮海教授諸生立碑志之嘗捐俸構亭覆學署後之龍湫井額以鵬搏相傳歲有掇科者井水自溢故云

何九雲

字舅

晉江人端嚴率士綽有古風嘗捐俸爲布衣先生構專祠

且購廛稅以供歲祀又於東山寺側構堂講學皆有功名教之大者每釋奠先期出簠簋令諸生盥滌陳設畢必親視其豐潔與否而後安前後居官者鮮有如此誠敬也後登癸未進士官翰林

國朝

戴真學浙江人順治三年隨

大師入漳知漳平漳平在萬山中寇四起真學極意撫綏與防將同力禦

堵五年賊王鎬等擁衆萬餘逼城六月城潰時方夜半真學出巡城見

勢不支急入署手刃其妻突圍不出爲賊所獲死之

康熙志

查繼純海寧人康熙十九年由副貢知漳平操履端潔治精勤興利

革弊斷如也以疾惡過嚴中蜚語被逮士民攀號如失怙恃當道廉其

寃竟得白去

龍巖州志續傳

沈穆

字旦

浙江人被其容接者春溫之氣藹然可掬貧寒有贄概不受

去之日士爲立碑

康熙志

粘繼任號莘亭晉江人乾隆丁酉拔貢己酉舉人嘉慶二年任漳平教

諭課士有方樂從其教倡捐文昌廟並修武廟及巨濟迎恩二橋丁憂

去服闋補授龍巖州學正州人士愛敬之漳平諸生猶喜得復親近也
卒於官縣諸生聞訃莫不奔弔者州人士經紀其喪柩經漳平紳士祭
奠並鳩賻以助行貲教諭林得震輓以詩有別無長物留官橐却有遺
徽在士心句新增
二人

蔣式增天津人由膳錄館議叙縣丞嘉慶初任漳平令廉潔公明愛民
敬士欲力培人文封殖龍停山禁采樵以固地脈又捐修武廟三載丁
憂去官因交代久羈遠近餉薪米鹽蔬不絕臨行泣送遮道復塑像於
高明寺至今父老猶曰此吾仁父母蔣公也

論曰明設縣百六十四年祀名宦者唯陳栗施信劉鑄魏文瑞章述
彭垓而已何繼起之難其人耶康熙志載沈鼎徐來朝何九雲沈穆
誠賢司教也顧如王副使所稱周恕齋蔡修埜鄧草亭黃少壺者志
闕有間矣陸稼書先生宰靈壽與諸生講解切磋錄爲松陽講義予

恒讀而慕焉苟能與一邑導迎善氣雖無赫赫名必有流風遺澤入於民隱者其傳與不傳豈初心所遑計哉

寓賢

陳真晟

字晦德一
字剩夫

鎮海人嘗詣闕上書不報歸遇江西張元禎謂斯道

自程朱以來惟先生得其真

張岳鎮海祠記先生詣闕獻所為正學正
教等書直欲變一世學術人才以歸諸古

非止於經約成化初漳平設縣當道禮致主講席既至釋奠為文告先

師纂程朱二書以教人其歸在使人收放心養德性至今學者祀之司

教何九雲特建專祠稱陳布衣先生

康熙
志

論曰布衣教澤誠遠然誰任之而誰署之者乃列秩官志乎且志後

附賢司教傳沈徐以下當入人物志名宦不得冠以布衣也傳謂成

化間遷居龍巖不過欲引為鄉賢初非其實舊列寓賢於義為正大

賢過化之區人思俎豆焉曾以名宦鄉賢二者重布衣哉

州志晚年
居漳之王

洲卒年六十有四後十年學道周孟中祭以文知府彭恆立石表之
曰大明闕下兩上書請補正學泉南布衣陳先生墓又三十年學道

姚鏐知府陳洪謨
舉入鄉賢祠誤也

理學

宋

劉棠字君美龍巖和睦里人今漳平元祐庚午魁開封府解有善政綱舉

而網疎賦舜不窮其民論勸農孔孟二策皆為場屋楷式次年登第歷

諸王宮教授樞密院編修官編成哲宗御書出催遣江北輦運尋為利

州路提舉學事又為兩浙路常平提舉歷官至朝請郎乞致仕得旨許

省親附表謝中有云繡服聽其過里之榮版輿假以奉親之便銜恩若

此圖報謂何遂力丐宮祠尋致仕朱子謂劉棠舜不窮其祀鄉賢民論好歐陽公甚喜之

明

曾汝檀字惟馨和睦里人父元清山東利津知縣有廉介聲汝檀以貢

入南雍受學於湛若水嘉靖乙酉領應天鄉薦壬辰成進士授都察院
都事時若水爲禮部侍郎朝夕親炙學日益明及若水轉南京禮部尙
書檀亦求改南以就問學遷南戶部員外郎歷禮部郎中擢知撫州府
首建陸象山吳草廬吳康齋二賢祠以爲民表又建五經閣政暇卽與
諸生講明實學亶亶不倦以拂當道意改調南寧道出嶺南時若水已
家居檀往訪焉治南寧士民歸心安南內亂入貢愆期廷議屢勅行勘
而藩臬難其事檀毅然請行至安南關上勘明以聞未幾疏乞終養南
寧人奔走送者無不流涕歸經嶺南復謁若水於天關精舍半月而歸
抵家惟以養親講學爲事與諸生論經旨但遇舊說分析太過處必爲
渾合使知歸一嘗以中庸戒懼慎獨教人曰中庸揭此獨知爲後開一
門路多少緊切譬如種植必有真種子落地然後培植日加暢茂矣於
是四方來學者衆乃構心源精舍爲講所居父母憂一依古禮釋服起

補安慶知府親藩景王之國道經皖城當道議折民廬舍爲宮民心皇
皇檀曰行宮一時事以一時之故毀數百年民居吾不忍也遂移於城
東無人處王至預設供饌百務咸整反嘉悅焉尋陞山東鹽運使政暇
與濟南府判林一陽朝夕論學逾年疾作卒於官巡撫張鑑厚遣扶櫬
回家檀資稟厚而信道篤所學淵源於陳獻章上遡龜山刊落支節務
窺本原所著有心源問辯錄及漳平縣志學者稱廓齋先生督學姜寶
訪求八閩人物獨推重檀祀鄉賢

龍巖州志

儒林

明

陳九叙字爾纘居仁里人萬歷甲戌進士受學於曾汝檀以易簡中正
爲宗由人倫日用窮探原本一切異論眇論辭而闢之授刑部主事立
法平恕歷員外郎中出守處州事簡政清時進諸生論學被容接者如

坐光霽中左遷離司尋讀禮歸起補桂林府同知實心惠民冰操愈厲
亡何拂袖歸結廬社中接引後學半刺不干有司時議割和睦里屬大
田縣民心惶恐乃徐以一言聞當事議遂寢邑人德焉自居官以及致
政未嘗問家人產嘗言學必成其大不以一節取名高學必成其是不
在與人競門戶沈古林王東厓耿楚侗諸先輩咸印可其學以爲正脈
卒於家有心源錄及詩文數卷

門人李之藩梓以行李世

祀鄉賢

蔣時馨字德夫感化里人幼奇穎年二十應隆慶元年恩貢遍交海內
士輒自奮曰人不學爲古人虛過一生耳林宗伯士章見而器之萬歷
丙子舉順天丁丑成進士授新喻令潔己愛民值江陵行量丈法當道
以報竣後期効之調嘉魚民遮道泣留至嘉魚愛民如新喻稍遷南廷
評調南銓丞再調考功郎門絕私謁孫丕揚爲政值大計委心時馨所
察多海內有力者一時羣起交攻乃謝病行豫章李公材寓漳倡道海

濱時馨師事講修身爲本終日不倦後推起奉常而時馨卒所著有體

仁篇傳於同志

新喻嘉魚俱祀名宦明吏部署中祀名宦者四人時馨居一焉

葉時新字蒼竹居仁里人年四十力學有得盡焚其少年雜著與陳文

溪蔣蘭居講明窮理致知之學隱居教授稱泰窩先生

龍巖門人嚴和州志

嚴和

濟黃佩韋等錄其論學要語數十則

陳龍翔字于墀別號仰雲感化里人以恩貢授泉庠司訓嘗條上教規

學使者嘉納轉江西德化教諭署德安縣篆一暮與民休息以失太守

歡去復就淮藩教授踰年告歸龍翔早失怙事叔父如父叔父父子繼

歿撫其孤子女如已出生平不道人惡不訐人私見人一好事則喜與

楊復所孟我彊及同鄉陳文溪講學相善以子六韜貴贈中書祀鄉賢

及泉名宦

嚴卓如字希立居仁里人立身端方治家嚴肅雖獨居必正衣冠危坐

與人處事一出於誠見聞者咸生敬畏父和濟邑諸生爲葉泰高先生高弟

國朝

朱廷鴻字大羽一字雲翼爲邑諸生家貧力學折衷經史疑義嘗從蔡文勤公講考亭之學其教人原本六經務以身體門下士皆敦行不忘稱鵬山先生別有傳載藝文

新增

循吏

明

鄭偉居仁人正德間由貢生任湖南攸縣知縣調漢陽知縣年五十餘大解組歸時稱官歷二任囊無百金清介足風首倡紳士請立開邑知縣陳栗功德碑當道重之

李佐字淡方號伯韓永福里人崇禎間聯捷兩闈初授廣東新安令調

海平縣志
繁改海豐多善政民爲立祠歷兵曹轉粵海巡憲以次應擢掛冠歸丙戌

大師南下以位在粵得民特授嶺東副使尋致仕家居孝友閨門雍穆無間

國朝

朱陽字桐野號菁溪居仁里人廷鴻子乾隆辛酉選拔入監肄業者取教習庚午舉順天壬申成進士授翰林院庶吉士假歸丁母憂服闋入都散館改授雲南通海令縣故疲弊又值新羅地震大災下車問民疾苦家巡戶視上官遣吏檢察冠蓋相望境內獨恬然調寶寧緬匪不靖王師西征檄調役夫輦運軍裝捐俸赴驛所僱募竣事晏如民不知也積勞成疾卒子泗字道原號松臯由廩貢肄業成均乾隆庚子中本省舉人選仙遊訓導先是隨任寶寧時軍興旁午代父任其役出入戎馬間

父卒留滯二年虧空完竣奉柩歸衆皆服其幹略及任仙遊臺匪滋事
大憲知其才不限以儒官檄往楓亭協辦驛站又委運兵米渡澎湖甫
出外洋颶風大作舉船震恐泗獨以忠信可涉波濤神色自若竟致米
三千石及內渡總局萬方伯擬首薦泗適方伯丁憂回滇仍回任事關
學校加意整頓文昌誕辰監生與文武庠分三日慶祝獨文庠艱於公
費泗捐俸契典鋪九間交諸生歲收稅錢十八千充費卒於官諸生於
慶祝文昌日並祀其遺像教諭龍岡盧履謙有記

以下
新增

陳新槐字貴林號敬齋感化高興人由生員遵例捐職選授四川筠連
縣知縣捐俸修城陞廣東連平州解餉入京回任陞澳門同知蔡葛山
相國贈言有保固善良剪除稂莠語年七十八卒於家

李雲號炎輝永福李庄人三歲失怙母王氏撫養成立性至孝母有不
懌必跪進杖母意解乃起嘉慶戊午舉於鄉戊辰大桃一等分發江西

上憲考試試用人員以知縣說命題拔取第一評云有典有則粹然儒者之言卽委署瀘溪歷任靖安餘干上高等縣皆儉約有政聲道光元年授金谿縣捐俸修城隍廟建關聖閣創育嬰堂修金谿邑志循名核實不阿權勢邑人頌之有最難爲者民之母不愛錢焉吏亦仙句及病父老禱城隍廟未卽愈告歸攀轅泣送旋里語人曰吾得歸以不負官帑也不負官帑由服用有節也家居四載卒

忠節

明

陳六韜字子儀號參周感化里人聰穎能文年十七督學首拔入庠崇禎丁卯以恩貢舉順天戊辰成進士授中書歷官禮曹郎轉僉憲備兵天津天津鄰強敵征供無藝民少固志韜至撫其民大閱水師扼險隘築興濟城增肅寧之梁浚交河之川爲守禦具是時防衛單弱韜檄各